



SPRACHWELTEN

I na dat nagut pli ferm

Tge è bun sex? Tge è nausch sex? Cun in clic sin la pagina d'internet chatt'ins ina resposta. Meglier ditg datti millis e millis repostas per il tema sex ed erotica. I na vala gnanca la paina da bittar in egl sin ina maschina che tschertga. Ella irritescha be.

„Erotik-Unterhaltung-Blick online“ – prima, il Blick porscha propi da tuttas sorts! Jau sfegl tuttina vinavant. Malgrà la grascha che quest instrument sin mes pult offerescha è l'era fascinant ed attractiv. Las proximas paginas èn malonestas, gea schizunt in pau primitivas. I cumenza cun maletgs erotics e chala cun pornografia. Na, jau na sun betg in tgutg! Jau na smatg betg sin tals titels! Mes patrùn na pajass segiramain betg il quint da l'internet! Tuttina vi jau dar ina survista sur dals temas actuals, brisants ed explosivs: Annunzias da contact, artitgels da sex, vitrinas eroticas ed aventuras. Tut è marcà gross. „Sex senza stress“ – tar quest titel stoss jau be surrir. Chatter il senn da l'erotica ma para impurtant, damai che per blers quinta sulettamain il sex (manegià èn omadus spezias - la feminina sco la masculina). Tge è erotica? Tge è amur? Quai èn las medemas dumondas! In zichel stuais era vus reflectar! Jau hai dentant chattà mia definiziun. I na dat nagut pli ferm... Sur da quai pudess jau raquintar istorgias ed istorgias.

Sibylle Pfiffner